

Feiteblad vir selfbegeleide toer

Kitsfeite



35 538
studente



21 258
voorgaads



10 381
nagraads



10
faculties

AgriWetenskappe, Lettere en Sosiale Wetenskappe, Ekonomiese en Bestuurswetenskappe, Opvoedkunde, Ingenieurswese, Regsgeleerdheid, Geneeskunde en Gesondheidswetenskappe, Natuurwetenskappe, Teologie, en Krygskunde



Universiteits-huisvesting
7 756
studente



Privaat verblyf/pendel
24 779
studente



Wie is die Universiteit Stellenbosch?

Die Universiteit Stellenbosch (US) is ingestel op uitnemendheid en wêreldklas- akademiese prestasie, en het die afgelope 100 jaar 'n voortreflike reputasie opgebou. Ons word wêreldwyd as 'n uitmuntende hoëronderrysinstelling erken.

Ons streef daarna om Afrika se voorste navorsingsintensiewe universiteit te wees en is trots op ons kultuur van akademiese uitnemendheid, integriteit en inklusiwiteit. As 'n universiteit, wil ons graag hê dat die samelewing in plaaslike, vastelands- en wêreldverband moet floreer en transformeer. Daarom werk ons in vennootskap met belanghebbendes en moedig ons voortdurende innovasie aan om relevante navorsing te onderneem en kennis te skep wat 'n tasbare praktiese impak sal hê.

Ons goed toegeruste en volhoubare sentrale kampus is geleë teen die agtergrond van die pragtige en geskiedkundige dorp Stellenbosch, terwyl ons gespesialiseerde satellietkampusse by Tygerberg, Bellville, Saldanha en Worcester ons ook 'n wyer voetspoor gee. Boonop is ons die trotse tuiste van meer sentrums van uitnemendheid as enige ander universiteit in Suid-Afrika.

Ons erken ons land se moeilike verlede én ons rol daarin. Terselfdertyd is ons daarop ingestel om saam vorentoe te beweeg, en is ons missie om 'n beter, florerende toekoms vir almal te skep.

Ons waarde lê in ons akademiese uitnemendheid, voorpuntnavorsing en sosiale impak. Ons krag lê in ons deernis en inklusiwiteit. En ons trotse nalatenskap lê in die toekoms waaraan ons saam bou.



Skandeer QR-
kode vir meer
inligting

Die Universiteit Stellenbosch verskyn die afgelope paar jaar konsekwent onder die beste tersiêre instellings ter wêreld op die vakspesifieke wêrelduniversiteitsranglyste van Quacquarelli Symonds (QS), Times Higher Education en ShanghaiRanking. Hierdie ranglyste gebruik verskillende metodes en aanwysers om universiteite se prestasie te beoordeel.



'n PAAR interessante plekke langs die pad

Sentrum vir Studentevoorligting en -ontwikkeling (SSVO)

Die SSVO bied sielkundige, ontwikkelings- en loopbaanbeplanningsdienste aan bestaande én voornemende studente om 'n ingeligte en sielkundig gesonde US-gemeenskap te bevorder. Die werksaamhede van die SSVO kan losweg ingedeel word in die sewe kategorieë van (i) akademiese voorligting, (ii) beroepsvoorligting en -ontwikkeling, (iii) individuele en/of groepterapie, (iv) kontemporêre ontwikkelingssessies, (v) bystand vir studente met spesiale leerbehoefte, (vi) konsultasies en opleiding, en (vii) toesig oor sielkunde-interns.

Die diensaanbod, waaronder groep- en individuele terapie, is meestal gratis vir alle geregistreerde US-studente. Fooie word gehef vir psigiatryse konsultasies sowel as vir sekere werksessies en beroepsvoorligting.

Neelsie en Rooiplein

Die **Neelsie**, oftewel die **Langenhoven-studentesentrum**, heet na die Afrikaanse skrywer en US-alumnus CJ Langenhoven. Die sentrum bied 'n aantal kofte-winkels en wegneem restaurante (waaronder halaalopsies), avontuur- en reiswinkels, gesondheid- en skoonheidswinkels, boekwinkels, 'n geriefswinkel, 'n klerewassery, klereboeties, heelwat geskenkwinkels en verskeie akademiese en sakedienste. Standard Bank, Absa, Nedbank en FNB het ook takke in die Neelsie.

Die **Rooiplein** is die sosiale bymekaarkomplek vir studente. Dit is ook waar jy *Die Kring* sal aantref. Dié kunsinstallasie van brons beeld agt vrouefigure uit wat die toekoms van Suid-Afrika en die leiers van die verlede, hede en toekoms simboliseer.



US Biblioteek

Die US Biblioteek is een van die grootste ondergrondse biblioteke ter wêreld en spog met 'n vloerruimte van sowat 17 000 m², wat gelykstaande is aan drie rugbyvelde.

Toe die biblioteek in die 1980's gebou is, was daar 'n tekort aan sentraal geleë grond, en dus is daar op die ondergrondse ligging vir die fasiliteit besluit. Sodoende het die geskiedenis en estetika van die geboue rondom die Rooiplein ook ongeskonde gebly.

Die US Biblioteek bied nagenoeg 1,2 miljoen fisiese bundels, splinternuwe studie- en leesareas, 1 600 studiehokkies, nege seminaarkamers, 'n Leersentrum wat spesifiek op voorgraadse studente afgestem is, die Carnegie Navorsingsentrum en 'n ouditorium.

Fakulteit Opvoedkunde

Ons Fakulteit Opvoedkunde streef daarna om 'n plaaslike en internasionale onderwysleier te wees, en om onderwysuitdagings – veral dié in Suid-Afrikaanse verband – te help hanteer. Ons navorsing sluit onderwys sowel binne as buite die skoolomgewing in en probeer sinergie skep tussen onderrig, navorsing en gemeenskapskaking.

Fakulteit Lettere en Sosiale Wetenskappe

Ons Fakulteit Lettere en Sosiale Wetenskappe bestaan uit 18 departemente. Dié departemente verteenwoordig die drie breë dissiplinêre groepe Lettere (waaronder Drama, Musiek en Visuele Kunste), Tale, en Sosiale Wetenskappe (soos Sielkunde, Geografie, Geskiedenis, Joernalistiek, Politieke Wetenskap, en Sosiologie en Sosiale Antropologie).

Akademiese Administrasie (Admin A)

Admin A bestaan uit die diensafdelings Beurse en Lenings, Eksamens, Kursusse, Roosters, die Raad- en Senaatsekretariaat, Studente-inligtingstelselondersteuning (SISO), Toelating, en die Kontak- en Kliëntedienssentrum.

Fakulteit Regsgeleerdheid

Ons Fakulteit Regsgeleerdheid is geleë in die Ou Hoofgebou, in die hartjie van Stellenbosch, op die hoek van Victoria- en Ryneveldstraat. Die gebou is in 1886 ingewy om die 200ste bestaansjaar van die dorp te gedenk.

Die Regskliniek in Crozierstraat is 'n integrale deel van die Fakulteit Regsgeleerdheid. Hierdie volwaardige prokureurskantoor lewer regsdiens aan gemarginaliseerde gemeenskapslede, en bied finalejaarregstudente en kandidaatprokureurs terselfdertyd waardevolle blootstelling aan die praktiese toepassing van die reg.

Fakulteit Ekonomiese en Bestuurswetenskappe

Ons Fakulteit Ekonomiese en Bestuurswetenskappe bied 'n wye verskeidenheid grade, van Rekeningkunde en Bedryfsielkunde, tot Statistiek en Aktuariële Wetenskap.

Die Suid-Afrikaanse sakesektor kort dringend beroepslui met die vaardighede én innoverende idees om in plaaslike en internasionale markte mee te ding. Met sy sterk finansiële en bestuursbenadering is dit presies die tipe gegradueerde wat die Fakulteit Ekonomiese en Bestuurswetenskappe oplewer.

Fakulteit AgriWetenskappe

Ons Fakulteit AgriWetenskappe word as die beste landboufakulteit in Afrika en een van die voorste 50 in die wêreld beskou. Dit help voorsien in die behoefte aan 'n nuwe geslag denkers wat werklike probleme soos voedselonsekerheid, armoede, omgewingsvolhoubaarheid en klimaatsverandering in ons land, op ons vasteland en in die res van die wêreld die hoof kan bied.

AgriWetenskappe se programme word op kampus sowel as by die Welgevallen-proefplaas aangebied, wat die volmaakte kombinasie bied vir diegene wat in die wetenskap én die buitelewe belang stel.

Fakulteit Natuurwetenskappe

Betree die wonderwêreld van die wetenskap by ons Fakulteit Natuurwetenskappe, wat met meer as 100 jaar se onderrigervaring spog. Kies uit 'n wye verskeidenheid graadprogramme – van Plant- en Dierkunde tot Rekenaarwetenskap, Aardwetenskappe, of Chemie en Fisika.

Het jy geweet? Die US is die enigste universiteit in Suid-Afrika wat 'n BSc-graad oor materiaaltegnologie uit 'n chemie- en polimeeroogpunt aanbied.

Fakulteit Ingenieurswese

Ons Fakulteit Ingenieurswese is in 1944 tot stand gebring en is een van ons vlagskipfakulteite. Dit bied moderne, hipertegnologiese onderrig- en leerfasiliteite, sy eie fakulteitsbiblioteek en 'n kafeteria.

Ingenieurswese het onder andere 'n hidrouliese laboratorium van 3 000 m² – die grootste in Suid-Afrika. Dit is ook die enigste fakulteit van sy soort in die suidelike halfrond waar mikrosatelliete ontwerp en gebou en daarna die ruimte ingestuur is.

US Botaniese Tuin

Ons eie Botaniese Tuin in die geskiedkundige hartjie van Stellenbosch is die oudste botaniese tuin by 'n Suid-Afrikaanse universiteit. Die kompakte tuin bevat 'n wye verskeidenheid plante, sowel inheems as uitheems. Boonop is die Katjiepiering-restaurant 'n stil en rustige plek om iets ligs te geniet en jou in die pragtige omgewing te verlustig.

Dankie dat jy by ons aangesluit het. Gaan na www.maties.com vir die heel jongste inligting oor studie aan die US en oor sowel aanlyn as kontakgeleenthede.



Fakulteit Geneeskunde en Gesondheids- wetenskappe

Die Fakulteit Geneeskunde en Gesondheidswetenskappe is in 1956 gestig en is een van die voorste fakulteite vir mediese studie in Afrika. Departemente en afdelings sluit in Geneeskunde, Fisioterapie, Arbeidsterapie, Voeding, Spraak-Taal- en Gehoortherapie, en Verpleeg- en Verloskunde.

Dit is geleë langs die Tygerberg akademiese hospitaal op die US se Tygerbergkampus.